

中國東方文化研究會歷史文化分會策劃
四庫全書存目叢書補編纂委員會編纂
北京愛如生文化交流責任有限公司贊刻

四庫全書存目叢書補編

齊魯書社出版

中國東方文化研究會歷史文化分會策劃
四庫全書存目叢書補編纂委員會編纂
北京愛如生文化交流責任有限公司贊刻

齊魯書社出版

四庫全書存目叢書補編

第五七冊

補編第五十七冊目次

八厓集七卷

〔明〕周廷用撰

中國科學院圖書館藏清乾隆十三年重刻本

..... 一

滄漚集八卷

〔明〕張重華撰

中國科學院圖書館藏明萬曆刻本

..... 二一八

朱秉器詩集四卷文集四卷

〔明〕朱孟震撰

中國科學院圖書館藏明萬曆刻本

..... 三五九

八厓集七卷

〔明〕周廷用撰

中國科學院圖書館藏清乾隆十三年重刻本

附《四庫全書總目·八厓集十

三卷》提要

八厓集原序

容城周子子賢以妙年掇
巍科聲噪甚余時備員金
馬始從餅餌紅綾下獲瞻
丰度令人摹擬衛玠潘岳
序
於當年徐領其言論隱隱
具憂時感事籌國裕民之
致又賈太傅陸宣公不啻
心凜凜異之後歷仕四遠
若閩若滇若蜀若吳俱騰

聲政教其在貴也適余奉
勅巡撫黔中恒出諸巨議
佐余不遠至其乘雨夜附
岩厂梯藤木仰破香爐山
若生擒其賊首阿旁等于

序

二

萬峰攢天之上尤周子借
箸力爲多緣賦性讜正弗
屑脂膏視宵人輩如臭蛆
然由是群小相惴惕慮其
坐中書堂不撓法無倖逃

恒多方沮抑故周子年甫
強仕即解組歸山以著述
老今其子雲石宦浙餒父
所著八厘集數十卷謂今
曾共舟交稱最因丐爲序

序

三

余維周子學贍而用莫抒
才大而位弗稱滿腔堯舜
君民之情百未一售賈生
之治安陸子之奏議懇款
流涕者一一於詩歌詞賦

中發之故其音節悲壯感慨
遙深凡寄清寓旨都足
爲君國龜鑑匪徒搖筆染
翰嘯月嘲風僕僕然嗜作
雕虫小伎也觀者不得其

序

四

指歸苟徒賞其集中某某
伯仲漢魏某某出入晉唐
詎足知吾周子也哉至于
古文亦復如是大都根柢
六經咀嚼三傳渾穆奧博

當在建安黃初間目今二
家先熾七子復倡騷壇詞
客恭然從風周子起南楚
遙相競爽凡足所歷目所
到耳所及心所感情所觸

序

五

悉以詩寫之縱茶亭酒肆
冷廟荒刹不惜淋漓揮翰
昔江文通遇物輒賦杜子
美到處題詩吾於周子見
古人云嗚呼當周子歸里

時余亦以遣蔡潮詣播故
改蒞南京都察院力薄不
克挽脫使周子正色立朝
當爲汲長孺靖淮南之謀
又烏致有西江逆濠之變

序

六

我今讀八厓集尤深入景
仰矣因漫書以應雲石請
畚

嘉靖九年四月念八日太
子太僕戶部尚書屏陵

鄒文盛時鳴甫撰



序

七

八子詩序 年侄孫宜撰

孫子曰八子蜀稿凡數百條
首乃其可以置余意者敘述
於左云其他則固皆精細言
華余不能贅焉爾矣

序一

峽中行十首

洞連子曰峽中行十首其
擬梨劃嶮岨欽峯之收似
往余也遊時嘗聞蜀人言
峽勝類天崖造於愕然驚

聽也願自以為未獲躬履自

擊乃今讀八子詩序余可

以遊已矣

巫山詩八絕句

洞連子曰巫山八詩善矣至

序二

其詞已而雙流窺石鏡更從

三峽度巫山蒼苔翠映金

洞瑤草青搖玉女屏者則固

有巖崛壯意焉

八禽言

洞達子曰古人詩有假託寓言
以諷者云姑惡之類是也八
雀子爲禽言以草親詞貶義
要皆親切宛曲近人情矣夫
詩曰鳴實者也故有繪藻飾

序三

華嶮詞詭語讀之大各中驚
君子乃或亡來焉失實故也狂
余覽李長吉詩佐其言雖所
謂中聽矣然于是則未之深
若時人賦詩鳴乎

寄孫石礪

洞達子曰八雀子于家大夫
也寄贈懷慕蓋數子章云獲
惘夢素鳴思緣哀備極體範
矣古語有之士爲知己者用

序四

八雀子所謂知己非耶今世學
士大夫帥好貴耳賤目其所
褒敬頌述篇表稠襍往而不
遠官顯士有之意以獻輦
効使而非在紀實也夫微八雀

子則余家大夫幾已矣後世安
得知有是人哉

夔州秋興八首

洞達子曰夔州秋興八章紀夔
事也其猶有少陵之遺乎夫

序五

八厓子諸作皆任志率情故其
詞或不牽切整飾之往有跌
宕不羈意焉至是乃獨績肅
不苟也予謂八厓子蓋深用力
于此云

同年孫石磯提學紫菴書

而見寄

洞達子曰八厓子詩曰懷寶豈
容賢在楚賜環終見帝懷才
八厓子意厚已夫

序六

國家以考績取外臣以論欵付
臺諫而稍出言往來憑藉眎為
黜陟百年於茲殆未有以易也
是故假恣紆怨撓擯善類臺
諫有焉聲焰燭赫之敢誰何

卷七

其以考績黜者令大賈風惠行
若由夷終弗及蜀云而銓衡之
曹又帥拘牽宿例不得輒有
所品核故士雖或膺薦被列石
剛明疆毅深結主知如某公
某公莫能稍振流弊選用一二
借呂雪天下之憤也往
高皇帝嘗一日悉捕吏受賕
者數十人誅之是故賞罰殺
生率出不測故人已所慰而

卷八

下止以容奸今報怨酬德并殆
莫可數計而士大夫直以素
不辜為進退夫何以云治也
昭八屋子謂子家大夫既已累
薦矣乃復黜落不值故子以
對八屋子云爾以余言為然
寄淺谿子顏惟喬
洞達子曰詩言涉谿子謂得異
人術能越子禩而度九齡長往
不返信斯言乎則神仙可以術

得而不死之藥可以力致也夫
淺谿子之說其言逝世之託乎
余往在獄中獲見淺谿子觀其
言此人非今世士也余故知云
閑石磯將歸丘園

序九

洞漣子曰八厘子是詩白閑門
合著歸田賦投筆休為辨謗
重述若之論也魯恭士有言
譽人者少毀人者多予讀之
稱焉夫說士無象聽德夫

無反情彼既旁誣曲煽令黑白
倒置矣設自訟彼乃心知其
枉肯曲已而人直耶是故閑
謗而辨者謗之因也辯則愈
激其情激其情則謗益力矣

序十

故廼有詭造巧構指辯書為
証案者焉嗟乎可不思哉
送舉人劉子起宗會試
洞漣子曰劉子者東山公孫
也往余從家大夫北遊與劉

子同師友云嘗是昔余年蓋
未童而劉子之且少也嘉靖
戊子余乃得讀八厓子所試刻
子文今乃又得讀是詩余故
知劉子矣

序五

先臺憲公八厓集輅走海內名流叙跋甚
多旁溢襍出往往散布人間曩余見孫洞
達先生集載公傳暨詩小序古與現偃如
法物然今重錄是集標公傳并繕各小序
於卷首云

重刻八厓集序

先廉憲公八厓集凡七卷慶
齡時王父繩齋公手授云明嘉
靖間雲石祖宦浙時梓傳已久
板藏邑東山石龍故廬鼎革之
際家藏圖史散佚原板亦兵燹
無存此卷世緘枕簾中當冠氛

序

轉徙未敢遺棄余幾欲廸茲先
緒值中年多病而汝父又以弱
冠背殞不果今以付汝雖常絕
帙殘而先人辨香在是當重梓
以終吾志慶時承王父於他經
史芻徐徐口授惟此一編懇懇
款款珍恤諄殷不置蓋重之也

爰於舉業暇手錄一部案頭行
匣往復諷誦原本仍固緘秘櫃
旦夕爲剞劂計癸卯試院歸振
履舊櫺夜栩栩覺回祿熾敞廬
時王父歿已七載彷彿在旁大
呼急拾八厘集比慶亦恍惚笑
入牖間持一卷從烈焰中光閃

序

二

閃出醒益震惛惶悚深墜緒茫
茫之懼矣宰弘農之明年遣長
子天錫南歸取原本訂正戊辰
春始於泌署鳩工就梓竊謂古
今詩文一道作者林立當其興
酣寄託不必何人之傳之迷之
也即傳之述之亦弗臆計其年

之久且遠也茲籍邑先達任齋
張先生官閩爲余言閩刻若鼓
山等付是也讀齋王先生宦浙
爲余言南本若王少司徒傳等
篇是也他如鎮遠觀瀾及平香
爐山碑等篇鄉先生之遊黔者
爲余言石刻甚多種種海內流

序

三

傳而家藏原板反淪灰燼即廢
先高曾亦代嗜聲律拳拳持一
綫輾轉相屬迨王父始以重梓
囑示而慶幸托先澤再壽黎棗
可知前之人靈根慧業顯晦有
時後之人薪火延續源淵有自
冥冥中啟之迪之容或然歟至

籍中梗概樂府古體居半五七
 言近體居半七言絕句僅一首
 傳序碑志三之一悉遵原刻惟
 缺五言絕句其他脫簡及字畫
 浸滅處因之弗敢意為增損也
 史謂廉憲公性豪邁才思駁疾
 援筆千萬言立就故籍中體制

序

四

鴻備含蓋一切昔賢謂唐人之
 妙緣機觸變各適其宜具是觀
 哉然此先輩序次有言之者不
 復贅謹述先王父兢兢手授之
 意以志愼慢之恩云爾

峇

乾隆十三年歲次戊辰桂月朔

日商孫慶增敬識于泌陽官署



序

五

跋

益聞鴻文麗藻士類歆等芝蘭先澤前光人情
感生水木矧黃絹白雪傳自大宗而碧簡青緗
守乎奕葉倘弗精加緡校豈能廣播藝林緬維
先祖廉憲崛起有明正嘉骨裏片片碧玉秀聚江
山舌飛瓣瓣青蓮才成錦繡髻齡名題雁塔一
時譽重鸞臺爲尹爲守爲司苞彩威光王國若
閩若吳若蜀棠蔭遍覆齊民緣群小之害能投

跋

簪解組攄寸衷之寄慨弄月吟風由是賈生一
片治安每聽悲歌而激烈因之杜老滿腔君父
恒從韵語以流連當前水態山情祭雲霞于筆
底到處鳥語花香吐珠璣于囊中無心摹擬漢
魏實于漢魏獨步違意規倣燕許群推燕許化
身將見字字譜來無墨不可靡也自是篇篇度
去有墻率皆短焉砥七子之波瀾情同鶴立傳
荒微之碑板價重雞林逮雲石公之官浙爰入

匡集之梓行文苑爭購洛陽紙價頻增妙語流

傳長安伎歌盡識值夫大地之戴甲頓令鐫梨
以成灰遺編僅存瓣香拾自劫火枕絨什襲一
綫垂諸高曾邇者家君分類以付剞劂俾余小
子校畫而正陶陰沆藹蔽之露十指生香捧靈
蛇之珠百篇耀彩情深搗華而挾藻志速洗玉
以濯金敢竭頑駑用成拱璧讀其書匪云能解
雖覓五結切行吾敬庶幾免誣金根云爾

跋

商孫天錫百拜識

跋

先廉憲公性明敏嗜學宗貧益力舉業暇惟詩文自娛與邑孫石磯先生暨中州何大猷王稚欽諸名士相競爽願隸仕後歷任凡六遷而至騰聲正廬陵不暇論文字時而偏以所得山川之勝車馬之富見諸吟咏間素為八厓集七卷會龍門諸公為一轍何經濟學問而美並臻歟宜國史記載同家乘一致而海內傳播至今未朽

跋八厓集

也茲位重梓是集不勝手澤之恩用贅數語於簡末云

裔孫美寬百拜識

八厓周公傳

孫子曰華容古竟華墟也山岳雄峙川湖襟帶談者率以為楚之鉅焉自邑東馳者概謂東山東山之秀廼又甲等一邑前代勿論已開國迄今名紳碩升冠冕鄉土景頌夷夏若樸翁忠宣者流大抵成東山產山自東復北行數十百里則其勢愈益雄巍壁峭嶂疊嶺巒阜仰軋日月旁刺雲漢眎東山蓋上下幾之於是有異人生焉曰八厓公八厓

傳

者山之特也而公世居其下故稱八厓云公姓周氏名廷用字子賢父樂山翁公之孕也樂山翁方客慈利夢幢蓋儀從冉冉自天降直入其解明日而公生樂山翁以告其令令曰此貴徵也翁於是即辭歸乃公長而聰異夙達周由師授年十八始讀書然又家貧為諸生也諸生率卑易豚之凡有酒食聲妓之會輒屏避公不欲近而公傾側儻靡較遇酒食聲妓直入坐上高談闊論旁若無諸生